

1. Տէր, Դու փրկեցիր ինձ դաժան մահից,
 Ձեռքդ մեկնեցիր, հանեցիր ճահճից,
 Դու ողորմեցիր ինձ պես ոչնչին
 Ու ցույց տվեցիր ճշմարիտ ուղին:

2. Քո ողորմությունը մեծ է, Տէր Աստված,
 Իմ անձը դարձավ մի տաճար սրբված,
 Մտիր սրտիս մեջ՝ ապրիր, սուրբ Աստված,
 Ու մաքրիր սիրտս՝ պղծությամբ լցված:

3. Քեզ պիտի պաշտեմ իմ ամբողջ կյանքում,
 Քո մասին երգեմ սաղմոսներ բազում,
 Տէր, Քո մեծ փառքը պիտի քարոզեմ
 Եվ Քո սուրբ ճամփան շատերին հայտնեմ:

4. Քո աջը թող միշտ հովանի լինի,
 Սիրտս փափագով ու սիրով լցվի:
 Դու անօրենից ինձ հեռու պահիր,
 Թող սուրբ անունդ միշտ փառավորվի: